

30-05-2018

**GJYKATA THEMELORE NË FERIZAJ- DEPARTAMENTI I PËRGJITHSHËM - DIVIZIONI PENAL**, gjyqtari Adem Shabani, me zyrtar ligjor Burim Haxhidema, në çështjen penale kundër të akuzuarit [REDAKTUAR] nga Ferizaj rr. "[REDAKTUAR]", i akuzuar me aktakuzën e Prokurorisë Themelore në Ferizaj, PP/II.nr.129-1/17 të dt 28.03.2017, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënien e urdhërit ndëshkimor, pa e mbajtur shqyrtimin gjyqësor, më dt.12.04.2017 solli:

### AKT GJYKIM

**APROVOHET** kërkesa e Prokurorisë Themelore në Ferizaj PP/II.nr.129-1/17 të dt 28.03.2017 dhe gjykata jep këtë:

### URDHËR NDËSHKIMOR

I akuzuari [REDAKTUAR] nga I ati [REDAKTUAR] dhe e ëma [REDAKTUAR] e gjinisë [REDAKTUAR], Ferizaj rr. [REDAKTUAR] I lindur me datë, [REDAKTUAR], shqiptar, shtetas i Republikës së Kosovës, mbrohet në liri,

### ËSHTË FAJTOR

Sepse më dt. 05.11.2016 rreth orës 18:30, në rrugën "12 Qershori", Ferizaj I pandehuri nga pakujdesia, ka shkelur ligjin mbi trafikun publik, ka rrezikuar jetën e njerëzve dhe pasurin, duke vepruar në kundërshtim me dispozitat e nenit 53 pika 1 dhe 149 pika 1 të LSKRR-së deri sa drejtonte automjetin e tij të tipit "Peugeot", ngjyrë te bardhë me targa te regjistrimit [REDAKTUAR] në rrugën "Zenel Hajdini", kyqet në rrugën "12 Qershori" duke mos ia përshtatur shpejtësinë e lëvizjes kushteve të rrugës dhe nuk ka pasur kujdes të shtuar për këmbësor, godet në këmben e majtë, këmbësorin-të dëmtuarin [REDAKTUAR] i cili në atë moment ishte duke kaluar rrugën në vendkalimin e këmbësorëve, ku ka pësuar lëndime të lehta trupore i dëmtuari, në formë të ndrydhjeve të buta të gjurit të majt dhe kofshës, me pasoja të përkohëshme për shëndetin.

- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së

Andaj gjykata në bazë të neneve 4, 7, 17, 41, 43, 46 dhe 73 të KPK-së dhe neneve 365 e 495 të KPPK-së i shqipton.

## DËNIM ME GJOBË

Të akuzuarit [REDAKTUAR], i shqiptoi dënimin në shumën prej 200 € (dyqind Euro), të cilën shumë e akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimit.

Nëse dënimi me gjobë nuk mund të ekzekutohet në format tjera sipas nenit 46 par.3 të KPK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarit [REDAKTUAR], me vendbanim në rr. "[REDAKTUAR]" Ferizaj, për realizimin e kërkesës pasuroro-juridike është udhëzuar në kontest civil.

Obligohet i akuzuari që në emër të shpenzimeve procedurale 60,88 Euro dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përmbarimit të dhunshëm.

## A r s y e t i m

Prokuroria Themelore në Ferizaj me aktakuzën PP/II.nr.129-1/17 të dt 28.03.2017 ka akuzuar [REDAKTUAR] nga Ferizaj rr. [REDAKTUAR], për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhërit ndëshkimor kundër të akuzuarit me arsyen se ka prova të besueshme që vërtetojnë kryerjen e kësaj vepre penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhërit ndëshkimor, në vështrim të nenit 495 parag.1, 2 dhe 3 të KPPK-së, gjeti se janë plotësuar kushtet ligjore për aprovimin e kërkesës për dhënien e urdhërit ndëshkimor.

Nga provat materiale të bashkëngjitura në shkresat e lëndës gjegjësishtë konstatimin e ekspertit mjeko ligjor Dr. [REDAKTUAR] dhe Dr. [REDAKTUAR] i dt.19.02.2017, dhe mendimin e ekspertit të komunikacionit rrugor [REDAKTUAR] i dt.25.02.2017 si dhe fotografitë të cilat gjenden në shkresat e lëndës, gjykata ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata konformë nenit 463 parag.1 lidhur me par 3.të KPPK-së të dëmtuarit [REDAKTUAR] me vendbanim në rr. "[REDAKTUAR]" Ferizaj, për realizimin e kërkesës pasuroro-juridike është udhëzuar në kontest civil.


Konformë nenit 450 par.2.6 të KPPK-së obligohet i akuzuari që në emër të shpenzimeve gjyqësore të paguaj shumën prej 60.88 Euro, si dhe paushallin gjyqësor në shumën prej 20 €, të gjitha këto në afat prej 15 ditëve nga dita e plotëfuqishmërisë së këtij aktgjykimi.

Nga sa u tha më lart është vendosur si në dispozitiv të këtij aktgjykimi.

**GJYKATA THEMELORE NË FERIZAJ**  
**P.nr.796/2017 i dt.12.04.2017**

**Zyrtari Ligjor**  
Burim Haxhidema

**Gjyqtari**  
Adem Shabani



**UDHËZIM JURIDIK:**

Kudër këtij aktgjykimi lejohet kundërshtimi në afat prej 8 ditësh, nga dita e pranimit të dërgesës së njëjtit, gjyqtarit të vetëm gjykues të kësaj gjykate, përmes kësaj gjykate. Pas skadimit të afatit të lejuar për kundërshtim, urdhëri ndëshkimor bëhet i plotëfuqishëm dhe ekzekutohet dënimi i shqiptuar.